

佛國品第一

(一) 法會緣起

<p>如是我聞：</p>	<p>一時，佛在毘耶離庵羅樹園，與大比丘眾八千人俱，菩薩三萬二千，眾所知識——</p>	<p>① 大智本行，皆悉成就； ② 諸佛威神之所建立，為護法城，受持正法； ③ 能師子吼，名聞十方；眾人不請，友而安之； ④ 紹隆三寶，能使不絕；降伏魔怨，制諸外道； ⑤ 悉已清淨，永離蓋纏；心常安住，無礙解脫； ⑥ 念、定、總持，辯才不斷； ⑦ 布施、持戒、忍辱、精進、禪定、智慧及方便力，無不具足； ⑧ 逮無所得，不起法忍； ⑨ 已能隨順，轉不退輪； ⑩ 善解法相，知眾生根。</p>
<p>蓋諸大眾：</p>	<p>① 得無所畏，功德智慧，以修其心； ② 相好嚴身，色像第一，捨諸世間所有飾好； ③ 名稱高遠，踰於須彌； ④ 深信堅固，猶若金剛； ⑤ 法寶普照，而雨甘露，於眾言音，微妙第一； ⑥ 深入緣起，斷諸邪見，有、無二邊，無復餘習； ⑦ 演法無畏，猶師子吼，其所講說，乃如雷震，無有量，已過量； ⑧ 集眾法寶，如海導師，了達諸法深妙之義； ⑨ 善知眾生往來所趣及心所行，近無等等佛自在慧、十力、無畏、十八不共； ⑩ 關閉一切諸惡趣門，而生五道，以現其身； ⑪ 為大醫王，善療眾病，應病與藥，令得服行； ⑫ 無量功德皆成就，無量佛土皆嚴淨； ⑬ 其見聞者，無不蒙益； ⑭ 諸有所作，亦不唐捐；</p>	<p>如是一切功德，皆悉具足。</p>
<p>其名曰：</p>	<p>① 等觀菩薩、 ② 不等觀菩薩、 ③ 等不等觀菩薩、 ④ 定自在王菩薩、 ⑤ 法自在王菩薩、 ⑥ 法相菩薩、 ⑦ 光相菩薩、</p>	<p>如是等三萬二千</p>

	<p>⑧ 光嚴菩薩、 ⑨ 大嚴菩薩、 ⑩ 寶積菩薩、 ⑪ 辯積菩薩、 ⑫ 寶手菩薩、 ⑬ 寶印手菩薩、 ⑭ 常舉手菩薩、 ⑮ 常下手菩薩、 ⑯ 常慘菩薩、 ⑰ 喜根菩薩、 ⑱ 喜王菩薩、 ⑲ 辯音菩薩、 ⑳ 虛空藏菩薩、 ㉑ 執寶炬菩薩、 ㉒ 寶勇菩薩、 ㉓ 寶見菩薩、 ㉔ 帝網菩薩、 ㉕ 明網菩薩、 ㉖ 無緣觀菩薩、 ㉗ 慧積菩薩、 ㉘ 寶勝菩薩、 ㉙ 天王菩薩、 ㉚ 壞魔菩薩、 ㉛ 電德菩薩、 ㉜ 自在王菩薩、 ㉝ 功德相嚴菩薩、 ㉞ 師子吼菩薩、 ㉟ 雷音菩薩、 ㊱ 山相擊音菩薩、 ㊲ 香象菩薩、 ㊳ 白香象菩薩、 ㊴ 常精進菩薩、 ㊵ 不休息菩薩、 ㊶ 妙生菩薩、 ㊷ 華嚴菩薩、 ㊸ 觀世音菩薩、 ㊹ 得大勢菩薩、 ㊺ 梵網菩薩、 ㊻ 寶杖菩薩、 ㊼ 無勝菩薩、</p>	<p>人。 。</p>
--	--	-----------------

	④⑧ 嚴土菩薩、 ④⑨ 金髻菩薩、 ⑤⑩ 珠髻菩薩、 ⑤⑪ 彌勒菩薩、 ⑤⑫ 文殊師利法王子菩薩，	
<p>復有萬梵天王尸棄等，從餘四天下，來詣佛所，而為聽法；復有萬二千天帝，亦從餘四天下，來在會坐；並餘大威力諸天、龍神、夜叉、乾闥婆、阿修羅、迦樓羅、緊那羅、摩睺羅伽等，悉來會坐；諸比丘、比丘尼、優婆塞、優婆夷、俱來會坐。</p> <p>彼時，佛與無量百千之眾，恭敬圍繞，而為說法，譬如須彌山王，顯於大海，安處眾寶師子之座，蔽於一切諸來大眾。</p>		

(二) 寶積讚佛

<p>爾時，毘耶離城有長者子，名曰「寶積」，與五百長者子，俱持七寶蓋，來詣佛所，頭面禮足，各以其蓋共供養佛；佛之威神，令諸寶蓋合成一蓋，遍覆三千大千世界，而此世界廣長之相，悉於中現；又此三千大千世界諸須彌山、雪山、目真鄰陀山、摩訶目真鄰陀山、香山、寶山、金山、黑山、鐵圍山、大鐵圍山，大海江河，川流泉源，及日月星辰，天宮、龍宮，諸尊神宮，悉現於寶蓋中；又十方諸佛、諸佛說法，亦現於寶蓋中。</p>				
<p>爾時，一切大眾，睹佛神力，歎未曾有！合掌禮佛，瞻仰尊顏，目不暫捨。於是，長者子寶積，即於佛前，以偈頌曰：</p>	<p>目淨修廣如青蓮 既見大聖以神變 法王法力超群生 已於諸法得自在 說法不有亦不無 始在佛樹力降魔 三轉法輪於大千 以斯妙法濟群生 毀譽不動如須彌 今奉世尊此微蓋 悉見世間諸所有 大聖法王眾所歸 佛以一音演說法 佛以一音演說法 佛以一音演說法</p>	<p>心淨已度諸禪定 普現十方無量土 常以法財施一切 是故稽首此法王 以因緣故諸法生 得甘露滅覺道成 其輪本來常清淨 一受不退常寂然 於善不善等以慈 於中現我三千界 十力哀現是化變 淨心觀佛靡不欣 眾生隨類各得解 眾生各各隨所解 或有恐畏或歡喜</p>	<p>久積淨業稱無量 其中諸佛演說法 能善分別諸法相 無我無造無受者 已無心意無受行 天人得道此為證 度老病死大醫王 心行平等如虛空 諸天龍神所居宮 眾睹稀有皆歎佛 各見世尊在其前 皆謂世尊同其語 普得受行獲其利 或生厭離或斷疑</p>	<p>導眾以寂故稽首 於是一切悉見聞 於第一義而不動 善惡之業亦不亡 而悉摧伏諸外道 三寶於是現世間 當禮法海德無邊 孰聞人寶不敬承 乾闥婆等及夜叉 今我稽首三界尊 斯則神力不共法 斯則神力不共法 斯則神力不共法 斯則神力不共法</p>

稽首十力大精進 稽首能斷諸結縛	稽首已得無所畏 稽首已到於彼岸	稽首住於不共法 稽首能度諸世間	稽首一切大導師 稽首永離生死道
悉知眾生來去相 達諸法相無罣礙	善於諸法得解脫 稽首如空無所依	不著世間如蓮華	常善入於空寂行

(三) 淨土之行

爾時，長者子寶積說此偈已，白佛言：「世尊！是五百長者子，皆已發阿耨多羅三藐三菩提心，願聞得佛國土清淨，唯願世尊說諸菩薩淨土之行。」		於是，寶積及五百長者子，受教而聽。	
佛言：「善哉！寶積！乃能為諸菩薩，問於如來淨土之行，諦聽！諦聽！善思念之！當為汝說。」			
佛言：「寶積！眾生之類是菩薩佛土。所以者何？」	菩薩	① 隨所化眾生而取佛土， ② 隨所調伏眾生而取佛土， ③ 隨諸眾生應以何國入佛智慧而取佛土， ④ 隨諸眾生應以何國起菩薩根而取佛土。	所以者何？ 菩薩取於淨國，皆為饒益諸眾生故。譬如有人，欲於空地，造立宮室，隨意無礙，若於虛空，終不能成！菩薩如是為成就眾生故，願取佛國；願取佛國者，非於空也！」
「寶積！當知：	<ul style="list-style-type: none"> ① 直心是菩薩淨土，菩薩成佛時，不諂眾生來生其國； ② 深心是菩薩淨土，菩薩成佛時，具足功德眾生來生其國； ③ 大乘心是菩薩淨土，菩薩成佛時，大乘眾生來生其國； ④ 布施是菩薩淨土，菩薩成佛時，一切能捨眾生來生其國； ⑤ 持戒是菩薩淨土，菩薩成佛時，行十善道、滿願眾生來生其國； ⑥ 忍辱是菩薩淨土，菩薩成佛時，三十二相莊嚴眾生來生其國； ⑦ 精進是菩薩淨土，菩薩成佛時，勤修一切功德眾生來生其國； ⑧ 禪定是菩薩淨土，菩薩成佛時，攝心不亂眾生來生其國； ⑨ 智慧是菩薩淨土，菩薩成佛時，正定眾生來生其國； ⑩ 四無量心是菩薩淨土，菩薩成佛時，成就慈悲喜捨眾生來生其國； ⑪ 四攝法是菩薩淨土，菩薩成佛時，解脫所攝眾生來生其國； ⑫ 方便是菩薩淨土，菩薩成佛時，於一切法方便無礙眾生來生其國； ⑬ 三十七道品是菩薩淨土，菩薩成佛時，念處、正勤、神足、根、力、覺、道眾生來生其國； ⑭ 回向心是菩薩淨土，菩薩成佛時，得一切具足功德國土； ⑮ 說除八難是菩薩淨土，菩薩成佛時，國土無有三惡八難； ⑯ 自守戒行不譏彼闕是菩薩淨土，菩薩成佛時，國土無有犯禁之名； ⑰ 十善是菩薩淨土，菩薩成佛時，命不中天，大富，梵行，所言誠諦、常以軟語，眷屬不離，善和鬥訟，言必饒益，不嫉，不恚，正見眾生來生其國。 		

如是，寶積！	① 菩薩隨其直心，則能發行； ② 隨其發行，則得深心； ③ 隨其深心，則意調伏； ④ 隨意調伏，則如說行； ⑤ 隨如說行，則能回向； ⑥ 隨其回向，則有方便； ⑦ 隨其方便，則成就眾生； ⑧ 隨成就眾生，則佛土淨； ⑨ 隨佛土淨，則說法淨； ⑩ 隨說法淨，則智慧淨； ⑪ 隨智慧淨，則其心淨； ⑫ 隨其心淨，則一切功德淨。
是故寶積！若菩薩欲得淨土，當淨其心；隨其心淨，則佛土淨。」	

(四) 佛土常淨

爾時，舍利弗承佛威神作是念：「若菩薩心淨，則佛土淨者，我世尊本為菩薩時，意豈不淨！而是佛土不淨若此？」

佛知其念，即告之言：「於意云何：日月豈不淨耶？而盲者不見！」

對曰：「不也！世尊！是盲者過，非日月咎。」

「舍利弗！眾生罪故，不見如來佛土嚴淨，非如來咎。舍利弗！我此土淨，而汝不見！」

爾時，螺髻梵王語舍利弗：「勿作是念，謂此佛土以為不淨。所以者何？我見釋迦牟尼佛土清淨，譬如自在天宮。」

舍利弗言：「我見此土丘陵坑坎，荊棘沙礫，土石諸山，穢惡充滿。」

螺髻梵王言：「仁者心有高下，不依佛慧，故見此土為不淨耳！舍利弗！菩薩於一切眾生，悉皆平等，深心清淨，依佛智慧，則能見此佛土清淨。」

於是，佛以足指按地，即時三千大千世界，若干百千珍寶嚴飾，譬如寶莊嚴佛，無量功德寶莊嚴土，一切大眾歎未曾有！而皆自見坐寶蓮華。

佛告舍利弗：「汝且觀是佛土嚴淨！」

舍利弗言：「唯然，世尊！本所不見，本所不聞，今佛國土嚴淨悉現。」

佛語舍利弗：「我佛國土，常淨若此，為欲度斯下劣人故，示是眾惡不淨土耳！譬如諸天，共寶器食，隨其福德，飯色有異；如是，舍利弗！若人心淨，便見此土功德莊嚴。」

當佛現此國土嚴淨之時，寶積所將五百長者子，皆得無生法忍，八萬四千人皆發阿耨多羅三藐三菩提心。

佛攝神足，於是，世界還復如故；求聲聞乘者，三萬二千諸天及人，知有為法，皆悉無常，遠塵離垢，得法眼淨；八千比丘，不受諸法，漏盡意解。